

Служба святым царственным страстотерпцам

Текст утвержден Священным Синодом
Русской Православной Церкви
26 января 2001 года
(журнал б/н)

Месяца иу́лия в 4-й день

Святы́х ца́рственных страстоте́рпец: Импера́тора Никола́я, Императри́цы Алекса́ндрой, Царе́вича Алекси́я, Вели́ких Княже́н О́льги, Тати́аны, Мари́и, Анастаси́и, от безбо́жных вла́сти изби́енных

На вели́цей вече́рни

Блаже́н муж: 1-й антифо́н.

На Го́споди, воззва́х: стихи́ры на 8, глас 2.

Подобен: Егда́ от Дре́ва:

Егда́ на ца́рство Росси́йское венча́шеся, пома́занниче Нико́лае,/ тогда́ усер́дно моли́лся еси́:/ Влады́ко и Го́споди мой,/ наста́ви мя в де́ле, на не́же посла́л мя еси́,/ да бу́дет со мно́ю премы́дрость Твоя́,/ да разуме́ю, что есть уго́дно пред очима́ Твои́ма,/ и в день Суда́ Твоего́ непосты́дно возда́м Тебе́ сло́во./ Те́мже не о сла́ве земно́й попече́ние имёл еси́, // но па́че о сла́ве Небе́сней.

Егда́ на святе́й Руси́/ тяжка́го испытáния вре́мя наста́,/ тогда́ ты, страстоте́рпче святы́й Нико́лае,/ моли́лся еси́ о спасе́нии ея́,/ и се, яви́ся ико́на Засту́пницы держа́вныя,/ я́ко зна́мение прия́тия вла́сти/ на пречи́стей ру́це Цари́цы и Влады́чицы./ Те́мже Росси́я,/ а́ще и вла́стию безбо́жных угнетéна бысть,/ предста́тельством Де́вы Богоро́дицы// и моли́твами твои́ми сохра́нися.

Егда́ мно́зи беззако́нницы и вожди́ лю́дстии/ восхотéша воста́ти на ве́ру, ца́ря и оте́чество,/ тогда́ ты, богому́дре страстоте́рпче Нико́лае,/ болéзновал еси́ о наро́де твоём/ и, Ка́инова братоубийства в держа́ве свое́й избе́гнути хотя́,/ вла́сть земну́ю, сла́ву и по́честь оста́вил еси́,/ все упова́ние возлага́я на Бо́га./ Те́мже ны́не, предсто́я Престо́лу Ца́ря ца́рствующих,/ моли́ся о держа́ве Росси́стей// и спасе́нии душ на́ших.

Егда́ наста́ гоне́ние,/ заточе́ние и поноше́ние,/ тогда́ твёрдую ве́ру,/ наде́жду на Бо́га и чистей́шую любóвь,/ терпе́ние же и всепро́щение показáсте,/ святы́и ца́рственнии страстоте́рпцы,/ творя́ще крóтко моли́твы за враги́./ Вéлие на земли́ благоче́стие ва́ше, // вéлия на Небесе́х сла́ва ва́ша.

Ины́ стихи́ры, глас 6.

Подобен: Все отло́жше:

Все упова́ние на Бо́га возложивше,/ святы́и ца́рственнии страстоте́рпцы,/ о́браз терпе́ния и страда́ния/ всей земли́ Росси́стей

явѣстеся./ Вы бо, молящеся о мучѣтелех,/ клевету, узы и изгнание,/ глумленіе, насмеяніе и оболганіе,/ убиеніе и телес поруганіе/ мужественне претерпели есте.// Сего ради вас присно прославляем.

Все благочестіе твоё во Христѣ бысть,/ святая мученице царіце Александро Россійская,/ прешла бо еси от Лютеровы веры к Православію,/ егже восприяла еси всем сердцем твоим,/ возлюбивши молитву,/ храм Божий и святых отец учения,/ и, яко матери добронравная,/ во благочестіи возрастала еси чада твоя,/ и тая уготовала еси в непорочную жертву за Христа.// Сего ради ты присно прославляем.

Плод благославлен/ молитв Саровскаго чудотворца/ и чаемый наследник царственных родителей быв,/ надежда, слава и упованіе Россіи,/ в радость людем православным явился еси,/ святой царевичу Алексіе./ Божиим же промыслением/ многія скорби и недуги/ измлада безропотно терпел еси/ и, яко агнец непорочный,/ убиеніе от злочестивых приял еси,/ ныне же ликуеши, яко наследник Царствія Небеснаго.// Сего ради ты присно ублажаем.

Дщери царевы,/ святія мученицы девы,/ истинныя невесты Христовы/ Ольго, Татиано, Маріе и Анастасіе,/ вы, яко мудрыя евангельскія девы,/ елей милосердія/ в душах присно хранящія,/ страждущим, нищим и болящим/ усердно послужили есте/ и, за гонящих вас/ даже до смерти Господа молящія,/ в чертозех Женихъ Небеснаго вселилися есте.// Сего ради вас присно ублажаем.

Слава, глас 6:

Союзом любве Христовы связуеми,/ седмочисленнии царственнии страстотерпцы,/ поношенія и убиенія не убоявшеся,/ первии, яко новомученицы,/ за Русь святую от безбожных пострадасте/ и образ исповѣдничества и ревности по Бозе/ верным людем покажете./ Темже, Земли Русскія/ покровителие неусыпаемии явльшеся,/ Триединаго Бога непрестанно молитесь/ о спасеніи отечества нашего// и всех с любовью вас почитающих.

И ныне, Богородичен, глас тойже: Кто Тебѣ не ублажит:

Вход. Прокімен дне. И чтенія.

Премудрости Соломоновы чтеніе (глава 3):

Праведных души в руце Божией,/ и не прикоснется их мука./ Непщевани быша во очесех безумных умерети,/ и вменися озлобленіе исход их./ И еже от нас шествие сокрушеніе, они же суть в мире./ Ибо пред лицем человеческим аще и муку примут,/ упованіе их безсмертія исполнено./ И в мале наказани бывше,/ великими благодетельствовани будут,/ яко Бог искусї я, и обрете их достойны Себѣ./ Яко злато в горниле, искусї их/ и, яко всеплодие жертвенное, прият я./ И во время посещения их возсияют/ и, яко искры по стѣблию потекут./ Судят языком и обладают людми,/ и воцарится

Госпóдь в них во вéки./ Надéющиися Нань разумéют й́стину,/ и вёрнии в любв́и пребúдут Ему́,/ я́ко благодáть и м́лость в преподóбных Егó/ и посещéние во избрáнных Егó.

Царств трéтиих чтéние (главы́ 8 и 9):

Ста Соломóн пред лицéм олтаря́ Госпóдня,/ пред всем собóром Изра́иловым, и воздв́иже рúце свой на нéбо, и речé:/ Гóсподи, Бóже Изра́илев, несть я́коже Ты Бог на Небес́и горé и на земл́и н́зу,/ храня́й завéт и м́лость рабú Твоему́,/ ходя́щему пред Тобóю всем сéрдцем своим,/ я́же сохрани́л еси́ рабú Твоему́ Дав́иду, отцú моему́:/ й́бо глаго́лал еси́ усты́ Твоими́ и рука́ма Твоима́ соверши́л еси́, я́коже день сей./ И ны́не, Гóсподи, Бóже Изра́илев,/ сохрани́ рабú Твоему́ Дав́иду, отцú моему́, я́же рекл еси́ ему́, глаго́ля:/ не оскуде́ет муж от лица́ Моего́, седя́й на престóле Изра́илеве,/ тóкмо áще сохраня́т ча́да твоя́ пут́и своя́, éже ходи́ти предо́ Мнóю,/ я́коже ходи́л еси́ предо́ Мнóю./ И услы́шиши моли́тву раба́ Твоего́ и люди́й Твои́х Изра́иля,/ о н́хже помóлятся на мéсте сем:/ и Ты услы́шиши на мéсте обита́лища Твоего́ на Небес́и,/ и сотвори́ши и пом́луеши./ Ели́ка áще согреш́ит кийждо́ ко й́скреннему́ своему́,/ и áще при́имет на него́ кля́тву, éже кля́ти егó,/ и при́идет, и испове́сть пред лицéм олтаря́ Твоего́ в хра́ме сем./ И Ты услы́шиши от Небесé, и сотвори́ши суд лю́дем Твои́м Изра́илю,/ осуди́ти беззакóннаго, да́ти путь егó на главú егó,/ и оправди́ти пра́веднаго, да́ти ему́ по пра́вде егó,/ егда́ падúт лю́дие Твои́ Изра́иль пред враги́, я́ко согреш́ат Ти,/ и обратя́тся к Тебе́, и испове́дятся й́мени Твоему́,/ и помóлятся, и возглаго́лют моли́тву к Тебе́ в хра́ме сем./ И Ты услы́шиши с Небесé, и м́лостив бúдеши о согрешéниях люди́й Свои́х Изра́иля,/ и возврати́ши я́ в зéмлю, ю́же дал еси́ отцéм их, я́ко согреш́ат Ти,/ я́ко несть человек, й́же не согреш́ит,/ и разгне́ваешися на ня́, и преда́си я́ пред враги́,/ и поплени́ят их пленя́щии в зéмлю далéче или́ близ,/ и обратя́т сердца́ своя́ в земл́и, áможе пресели́шася,/ и обратя́тся, и помóлятся Тебе́ в земл́и преселéния своего́, глаго́люще:/ согреш́ихом, беззакóнновахом, неправдовахом./ И обратя́тся к Тебе́ всем сéрдцем своим и всею́ душо́ю своею́ в земл́и враг свои́х,/ áможе превéл еси́ их,/ и помóлятся к Тебе́ по пут́и земл́и своея́, ю́же дал еси́ отцéм их,/ и ко гра́ду, егóже избрáл еси́,/ и ко хра́му, егóже созда́х й́мени Твоему́./ И услы́шиши от Небесé, от готóваго жили́ща Твоего́, моли́тву их и молéние их,/ и сотвори́ши оправда́ние им,/ да бúдет Госпóдь Бог наш с на́ми, я́коже бе со отцы́ на́шими,/ да не оста́вит нас, ниже́ да отврати́т нас, преклони́ти сердца́ на́ша к Нему́,/ éже ходи́ти во всех путéх Егó/ и хран́ити вся за́поведи Егó и повелéния Егó и оправда́ния Егó,/ я́же заповéда отцéм на́шим./ И речé к нему́ Госпóдь:/ услы́шах глас моли́твы твоея́ и молéния твоего́/ й́мже моли́лся еси́ предо́ Мнóю;/ сотвори́х ти по всей моли́тве твоей,/ и освяти́х храм сей, егóже созда́л еси́,/ éже положи́ти й́мя Моé та́мо во вéки,/ и бúдут óчи Мои́ ту́ и сéрдце Моé во вся дни./ И ты, áще по́йдеши предо́ Мнóю,/ я́коже ходи́ Дав́ид, отéц твой, в преподóбии сéрдца и в правотé,/ и éже твори́ти по всем, я́же

заповѣдах е́му,/ и повелѣния Моя́ и заповѣди Моя́ сохрани́ши,/ и возста́влю престолъ ца́рствія твоего́ во Изра́или во ве́ки,/ я́коже глаго́лах к Дави́ду, отцу́ твоему́, глаго́ля:/ не оскудѣет ти муж властели́н во Изра́или.

Проро́чества Иса́иина чтѣние (главы́ 61 и 62):

Дух Господень на мене, Егѡ́же ра́ди пома́за мя,/ благовестѣти ни́щим посла́ мя,/ исцелѣти сокруше́нныя се́рдцем, проповѣдати плѣнником отпу́щение и слепы́м прозрѣние,/ нареши́ ле́то Господне́ приятно и день воздая́ннїя,/ утѣшити вся пла́чущїя,/ да́ти пла́чущим Сио́на сла́ву вмѣсто пѣпела,/ пома́зание весѣлія пла́чущим, украше́ние сла́вы вмѣсто ду́ха уны́нїя,/ и нареку́тся ро́дове пра́вды, насажде́ние Господне́ во сла́ву./ Да возра́дуется душа́ моя́ о Го́споде,/ облече́ бо мя в рїзу спасѣ́нїя и оде́жду весѣлія оде́я мя,/ я́ко на жениха́, возложи́ на мя вене́ц и, я́ко невесту́, украси́ мя красото́ю./ И я́ко земля́, растя́щая цвет свой, и я́ко вертогра́д се́мена своя́ прозяба́ет,/ та́ко возрасти́т Господь, Господь пра́вду и весѣліе пред все́ми язы́ки./ Сио́на ра́ди не умолчу́ и Иерусали́ма ра́ди не попу́щу,/ до́ндеже изы́дет, я́ко свет, пра́вда моя́/ и спасѣ́ние моѐ, я́ко свети́ло, разжжѣ́тся./ И узря́т язы́цы пра́вду Твою́, и ца́рие сла́ву Твою́,/ и прозову́т Тя и́менем но́вым, и́мже Господь на́именует е́./ И бу́деши вене́ц добро́ты в руце́ Господни́/ и диади́ма ца́рствїя в руце́ Бо́га твоего́./ И не прозовѣ́шися ктому́ оста́влен, и земля́ твоя́ ктому́ не нарече́тся пу́ста,/ тебе́ бо прозовѣ́тся во́ля моя́, и земля́ твоя́ вселѣ́нная,/ я́ко благово́ли Господь в тебе́, и земля́ твоя́ вку́пе населѣ́тся./ И я́коже живя́й ю́ноша с де́вою, та́ко поживу́т сы́нове твои́ с тобо́ю,/ и бу́дет я́коже ра́дуется жени́х о невесте́,/ та́ко возра́дуется Господь о тебе́.

На литїи стихи́ры, глас 4:

Не прикаса́йтесь пома́заннѣм Мої́м,/ глаго́лет Господь Вседержи́тель./ Богопроти́вницы же боговенча́ннаго царя́ уби́ша/ и не насле́доваша зе́млю благи́х,/ но уллучи́ша смерть безконѣ́чную./ Ты же, святы́й мучени́че Никѡ́лае,/ пома́занниче Бо́жий,/ моли́ приле́жно о нас,// да насле́дуем с тобо́ю Ца́рство Небе́сное.

Совети́ Бо́жии/ не суть я́ко совети́ челове́честии,/ глаго́лет Господь Вседержи́тель,/ о́ваго бо смиря́ет, о́ваго же возно́сит,/ о́ваго же мертви́т и о́ваго живи́т,/ возставля́ет от земли́ убо́га/ и престолъ сла́вы даѣ́т е́му./ Сего́ ра́ди призре́ Господь/ на смире́ние возлю́бленнаго пома́занника Своего́ Никѡ́лая/ и жи́ва в Небе́сных оби́телях соде́ла Егѡ́,// я́ко да мо́лится о спасѣ́нїи люде́й свої́х.

Сла́ва, глас 6:

Егда́ прииде́ годи́на лю́тая/ и о́бласть те́мная объя́т зе́млю Росси́йскую,/ тогда́ яви́шася изби́еннии за сло́во Бо́жие./ Ты же, царю́ мучени́че,/ я́ко нача́ток страстоте́рпцев но́вых,/ с боголю́бивою ца́рицею,/ ца́рственными ча́ды и ве́рными слуга́ми твої́ми/ любѡ́вию взыва́л еси́:/ прииді́те, принесѣ́м

себе́ Бо́гу в же́ртву живу́ю/ и та́ко ве́ру Правосла́вную свидете́льствуим,// да Ца́рствия Небе́снаго сподо́бимся.

И ны́не, Богоро́дичен:

Богоро́дице, Ты еси́ лоза́ и́стинная,/ возрасти́вшая нам Плод живото́та,/ Тебе́ мо́лимся,/ моли́ся, Влады́чице,/ с новомученики и ца́рственными страстоте́рпцы,// поми́ловати ду́ши на́ша.

На стихо́вне стихи́ры, глас 5.

Подобен: Ра́дуйся:

Ра́дуйся, царю́ Нико́лае,/ пома́занниче Бо́жий,/ Росси́йския держа́вы храните́лю/ и ве́ры Правосла́вныя благочести́вый ревни́телю,/ о ми́ре всего́ ми́ра попечи́телю,/ заблуждших и́стинный вразуми́телю,/ скорбя́щих, а́лчущих и стра́ждущих утешите́лю,/ моли́твенниче о всех тепле́йший,/ ны́не к тебе́ прибега́ем,/ Бо́жий уго́дниче и же́ртво всеусе́рдная,// моли́ спасти́ся душам на́шим.

Стих: Вознесо́х избра́ннаго// от люде́й Мои́х.

Ра́дуйся, царю́ Нико́лае,/ Бо́гом от рождества́ на муче́ние во́льное посвяще́нный/ и, я́коже Йо́в Многострада́льный,/ пра́ведность во страда́нии яви́вый,/ ны́не же с Небе́сным Царе́м ца́рствуяй,/ моли́ся о держа́ве Росси́стей// и спасе́нии душ на́ших.

Стих: Еле́ем святы́м Мои́м// пома́зах его́.

Ра́дуйся, страстоте́рпче Нико́лае,/ сла́во и красото́ Росси́йских царей и князе́й,/ я́коже святы́и страстоте́рпцы и мученицы/ Бори́с, Глеб и Андре́й,/ от бли́жних твои́х преда́н быв,/ уби́ение от клятвопресту́пников безбо́жных прия́л еси́,/ ны́не же мо́лишися о проще́нии враго́в твои́х// и спасе́нии душ на́ших.

Сла́ва, глас 8.

Подобен: О, пресла́внаго чудесе́:

Мучени́че царю́ Нико́лае,/ от ю́ности Царя́ Сла́вы возлюби́л еси́,/ да Ему́ до сме́рти послéдуеши,/ я́коже Це́рковь пропове́дует:/ сла́ва Христа́ Бо́га — / Крест и Воскресе́ние./ Ны́не же сла́ву Небе́сную от Христа́ прие́мый,/ приими́ и земно́е прославлéние// и моли́ спасти́ся душам на́шим.

И ны́не, глас и подобен то́йже:

О, пресла́внаго чудесе́!/ Небесе́ и земли́ Цари́ца,/ от святы́х сродни́ков на́ших умоля́емая,/ до ны́не зе́млю Ру́сскую покрыва́ет/ и ли́ка Своего́ изображе́нии ми́лостивно обогаща́ет./ О Влады́чице держа́вная!/ Не престáни и на бу́дущее вре́мя/ во утвержде́ние на Руси́ Правосла́вия// ми́лости и чудеса́ излива́ти до ве́ка. Ами́нь.

Тропа́рь, глас 4:

Днесь, благове́рнии лю́дие, све́тло почи́м/ седмери́цу честну́ю ца́рственных страстоте́рпец,/ Христо́ву еди́ну дома́шнюю Це́рковь:/ Николо́я

и Алексáндру,/ Алексія, Ольгу, Татиáну, Марию и Анастасію./ Тѣи бо, уз и страдáний многоразлічных не убоявшесе,/ от богобóрных смерть и поругáние телес прияша/ и дерзновѣние ко Гóсподу в молѣтве улучиша./ Сего рáди к ним с любóвию возопиим:/ о святѣи страсотѣрпцы,/ гласу покаянія и стенáнию нарóда нáшего вонмите,/ зѣмлю Россійскую в любві к Правослáвию утвердите,/ от междоусóбных брáни сохраните,/ мир мірови у Бóга испросите// и душáм нáшим вѣлию мѣлость.

На ўтрени

На Бог Господь: тропáрь страсотѣрпцем, двáжды. Слáва, и ныне, Богорóдичен: Ёже от вѣка утаѣнное:

По 1-м стихослóвию седáлен, глас 8.

Подóбен: Повелѣнное тáйно:

Попечѣние имѣл есѣ о вѣре Правослáвней, боговенчáнный царю Никóлае,/ от апóстол Цѣркви нáшей предáнной,/ разумѣя ей быти Россійстей землі утверждѣнием.

Слáва, и ныне, Богорóдичен:

В поношѣнии и обдержáнии язýков есмѣ,/ вси бо преогорчѣхом Сына Твоего, и Той посетѣ ны прещѣнием Своим,/ но умоли, Дѣво Пречѣстая, от Тебѣ Рóждшагося,/ áще не до концá прогнѣвался есть,/ да простѣт и помѣлует страну Россійскую.

По 2-м стихослóвию седáлен, глас 8.

Подóбен: Премýдрости:

Егда богобóрцы мучѣтелие заточиша тя с царѣцею, чáды и вѣрными слугáми твоими,/ тогда зывáл есѣ псалóмски:/ помяни, Гóсподи, Давида и всю крóтость его./ И послан бысть тебѣ, царю Никóлае, крóткому и смиренному сѣрдцем, венѣц мýченический,/ якоже святým Борѣсу, Глѣбу и Андрѣю./ Моли спастѣся душáм нáшим.

Слáва, и ныне, Богорóдичен:

Востáни, Владычице Держáвная, и облечѣтся Русь святáя в крѣпость свою,/ и вода жѣлчная от польни бýдет нам яко мед,/ да напитáемся теснотáми, яже от Зиждѣтеля суть, и восхвáлим держáву Твою.

Величáние:

Величáем вас,/ святѣи цáрственнии страсотѣрпцы,/ и чтим честнáя страдáния вáша,/ яже за Христá// претерпѣли есте.

Псалóм избрáнный: Бог нам прибѣжище и сѣла:

По полиелѣи седáлен, глас 3:

Днесь цáрственнии страсотѣрпцы Россійстии/ предстоят Царю цáрствующих и Гóсподу госпóдствующих/ и с Держáвною Владычицею

непрестанно молят Бога:/ спаси, Господи, люди Твоя/ и благослови
достояние Твое,/ страну нашу Российскую помилуй,/ Милостиве
Вседержителю,/ во веки веков. Аминь.

Слава, и ныне, Богородичен, глас тойже:

Вострубим трубою песней, воспойм согласно Царице Богородице:/
радуйся, Заступнице усердная,/ благоволением Твоим отечество наше от
лет древних покрывающая/ и благодать тому источающая./ Темже, Тобою
хвалящися, глаголем:/ Твой бо есмь раб, да не постыжусь.

Степенна, 1-й антифон 4-го гласа.

Прокимен, глас 4: Пролияша кровь их, // яко воду. **Стих:** Вменихомся яко овцы
заколения. **Всякое дыхание:** **Евангелие от Матфея, зачало 36.**

Слава: Молитвами царственных страстотерпец,/ Милостиве, очисти: **И ныне:**
Молитвами Богородицы:

По 50-м псалме стихира, глас 6:

Страстотерпче Христов,/ царю Николае,/ по имени твоему житие твое./
Сего ради врази твой/ не возмогша сокрыти славу твою./ Кроток бысть и
молчалив во страданиях твоих,/ прося не мстити за себе./ Житие твое
оклеветано бысть,/ кончина же твоя с мученики святыми славна.// Моли о
душах наших.

Канон царственных страстотерпец, глас 6.

Песнь 1

Ирмос: Волною морскою/ Скрывшаго древле/ гонителя мучителя/ под
землею скривша спасенных отроцы;/ но мы, яко отроковицы,/ Господеви
пойм, // славно бо прославися.

Припев: Святии царственнии страстотерпцы, молитте Бога о нас.

Венценосче Николае, вкупе с мученическими лики, царицею, чады и
слугами,/ предстояще у Престола Христова,/ просвещение нам даруйте,
озаряющее душ наших омрачение и нечувствие,/ яко да восхвалим радостно
вашу блаженную память.

Ныне проречение Саровскаго старца, яко прославльшаго мя прославит
Бог, исполнися,/ прослави бо Церковь Русская царственного страстотерпца./
Темже вкупе с преподобным молится, во еже стяжати нам благодать Святаго
Духа.

Сердце царево в руке Божией, глаголет Господь./ Ты же, истинный
помазанниче и слуга Господень, благоговейне рекл еси:/ не токмо жизнь моя,
но и путие страны Российския в руке Господней суть.

Богородичен: Ты еси крепость наша,/ Ты еси похвала и радование,/
Предстательница Непобедимая и Покров державный страны Российския,
Пресвятая Богородице,/ с царственными страстотерпцы и новомученики
моли спасти рабы Твоя.

Песнь 3

Ирмос: Тебѣ, на водах/ Повѣсившаго всю зѣмлю неодолимо,/ тварь видевши на Лѣбнем висима,/ ужасом многим содрогашеся,/ несть Свят,/ разве Тебѣ, Господи, взываючи.

Поругание и разорение земли своея от безбожных видя, благочестивый царю,/ плакася из глубины сердечныя, яко пророк Иеремия, горце стенья и моляся за люди согрешившия:/ Милостиве Господи, не остави их, оставльших мя.

На земли алкал и жаждал еси правды Божия,/ за нуже душу кротце положил еси, праведне Николае,/ обаче в Горнем Царствии насытился еси,/ идеже пребываеши во веки.

Врачевания и чудеса точите, святии страстотерпцы,/ людем, верою к вам притекающим,/ темже печаль нашу на радость преложите молитвами вашими.

Богородичен: Прибежище, Вышший Покров Тя имама,/ Благословенная Мати Божия,/ Твоею помощию сохрани и заступи нас, Всепетая.

Седален, глас 4:

Егда мнози от сродник наших отступша от Бога,/ отвратшася Божиих заповедей и восташа на Господа и помазанника Его,/ тогда гнев Божий на землю Русскую прииде,/ изсяче любви многих, пролияся кровь братьих наших,/ расточшася людие Российстии по всему лицу земли,/ храми наши поруганию предашася,/ глады, нашествия иноплеменик постигоша ны, и быхом в посмеяние языков./ Мы же, разумюще сие, с сокрушением сердца в покаянии зовем:/ прости и помилуй нас, Господи, по велицей милости Твоей,/ очисти беззакония наша/ и подаждь страждущей стране Российстей/ представльством царственных страстотерпец/ прощение грехов, мир и велию милость.

Слава, и ныне, Богородичен:

Умоли, Милосердая Мати Света, Сына Твоего и Бога нашего/ о еже возставити державу нашу православную,/ сохранити ю в мире и благоденствии,/ избавити ны от междоусобных брани,/ укрепити Святую Церковь и оградити ю от неверия, раскола и ересей.

Песнь 4

Ирмос: На Кресте Твое Божественное истощание/ провидя, Аввакум, ужасся, вопияше:/ Ты сильных пресеки еси державу, Блаже,/ приобщаяся сущим во аде,// яко Всесилен.

Нищетюю духовною обогатился еси, святе Николае,/ и сотвори тя Господь достойна не токмо земнаго, но и Небеснаго Царствия.

Скорбию обдержимь бысть, венчосче Николае,/ зря ослепление народа твоего,/ отрешагося от Царя Небеснаго, такожде и земнаго.

Мужественне возложив упование на Бога в многострадальном земном служении твоём, якоже Иов иногда,/ сторичею воздаяние приял еси на Небесах,/ идеже ныне наслаждаешься, царственный мучениче.

Богородичен: Милосердия двери, Благословенная Богородице, отверзи нам,/ да избавимся от бед и озлобления нашего,/ во еже пети Тебе непрестанно:/ Ты еси спасение рода христианского.

Песнь 5

Ирмос: Богоявления Твоего, Христе,/ к нам милостивно бывшаго,/ Исаиа, Свет видел Невечерний,/ из ночи утреневав, взываше:/ воскреснут мертвии, и востанут сущии во гробех, // и вси земнороднии возрадуются.

Миротворец явился еси, царю Николае святыи, неся мир миру,/ спасаа и защищая тысячи во отечестве твоём и в иных странах,/ сего ради сын Божий, по слову Господню, нареклся еси.

Изгнание, поношение, гонение и всяк глагол ложный, на вы реченный,/ претерпесте, святии царственнии мученицы./ Радуйтесь убо и веселитесь, яко мзду вашу на Небеси приясте.

Служителие беззакония тайнаго,/ венец терновый сплетше, возложиша на тя, царственная глава,/ обаче дерзостная дела их погибша яве.

Богородичен: В тину грехов впали есмы,/ и люте потопи ны буря прегрешений./ Но, яко рождающая Спаса, Владычице, призри на ны, рабы Твоя,/ и избави от страстей душетленных.

Песнь 6

Ирмос: Ят бысть,/ но не удержан в персех китовых Иона:/ Твой бо образ нося,/ страдавшего и погребению давшагося,/ яко от чертога, от зверя изыде;/ приглашаше же кустодии:/ хранящии суетная и ложная, // милость сию оставили есте.

Всем православным заступник был еси, богоизбранный Николае,/ народом Словенским защиту благу являяй/ и, яко брат брату, помогай.

О сыне верный Святыя Церкви!/ Ты ревнитель прославления святых явился еси,/ храмов создатель, святых обителей благоукраситель,/ Святыя Земли и Горы Афонския благотворитель,/ просвещения православного попечитель и монашества покровитель.

В житий вашем и в делах любви образ христианом бысте,/ боговенчанныи царице Николае и Александро,/ полагасте бо во главу угла Камень, Христа Бога нашего.

Богородичен: К Тебе прибегаем, Царице державней, верных покрове,/ на Тя надежду возлагаем спасения нашего,/ Пресвятая Владычице Богородице, не презри нас.

Конда́к, глас 8:

Избра́ннии Царём ца́рствующи́х и Го́сподем го́сподствующи́х/ от ро́да царей Росси́йских,/ благове́рнии му́ченицы,/ му́ки душе́вныя и смерть телесную за Христа́ при́ймшии/ и венцы́ Небе́сными увенча́вшиися,/ к вам, я́ко покровите́лем на́шим ми́лостивым,/ с любо́вию благода́рне вопие́м:/ ра́дуйте́ся, ца́рственнии страстоте́рпцы,// за Русь Святу́ю пред Бо́гом усерднии моли́твенницы.

И́кос:

Сла́вою и бога́тством благоче́стия сия́ющии,/ багряни́цею многоце́нною и венце́м украше́ннии,/ ми́лостию и пра́вдою в жити́й просия́вшии,/ ве́ру, наде́жду и любо́вь к Бо́гу до конца́ яви́ли естé./ К вам, я́ко покровите́лем на́шим ми́лостивым,/ с любо́вию благода́рне вопие́м:/ ра́дуйте́ся, ца́рственнии страстоте́рпцы,/ за Русь Святу́ю пред Бо́гом усерднии моли́твенницы.

Песнь 7

Ирмо́с: Неизрече́нное чу́до,/ в пещи́ Изба́вительный преподо́бныя о́троки из пла́мене/ во Гробе́ мертв, бездыха́нен полага́ется/ во спасе́ние нас, пою́щих:/ Изба́вителю, Бо́же,// благослове́н еси́.

Я́ко при́сных ва́ших, недужных вои́нов чадолю́бне посеща́ете, ца́рственнии му́ченицы,/ и с любо́вию их утеша́ете,/ места́ же их упоко́ения слеза́ми ва́шими ороша́ете.

Вы естé о́браз супру́жества добродетельна́го и дете́й воспита́ния благоче́стива́го,/ святи́и ца́рие Нико́лае и Алекса́ндро./ Дом ваш я́ко цветни́к духо́вный соде́лавше,/ на Небесе́х ны́не вку́пе со ча́ды лику́ете.

На высоте́ сла́вы челове́ческа́я пребыва́я,/ о Небе́сных при́сно помышля́л еси́, царю́ Нико́лае,/ а́може устреми́ся душа́ твоя́ свята́я.

Богоро́дичен: Всесвята́я Влады́чице,/ оживи́ ум наш, умерщвлённый страстьми́ мно́гими,/ и укрепи́ ны богоуго́дная твори́ти,/ да велича́ем Тя, я́ко Засту́пницу ро́да христиа́нскаго.

Песнь 8

Ирмо́с: Ужасни́ся, боя́йся, Не́бо,/ и да подви́жатся основа́ния земли́:/ се бо в мертвецех вменя́ется в Вы́шних Живы́й/ и во Гроб мал странноприёмлетс́я./ Егóже, о́троцы, благослови́те,/ священни́цы, воспойте,/ лю́дие, превозно́сите во вся ве́ки.

Егда́ уго́дницы Бо́жии предреко́ша вам путь му́ченический, я́коже Па́влу проро́к Ага́в,/ вы, ца́рственнии страстоте́рпцы, не уклони́тесь ни одесну́ю, ни ошу́ю,/ но му́жественне проидо́сте егó,/ взира́юще на Соверши́теля ве́ры Иису́са Христа́.

Во страданиих ваших, страстотерпцы святїи,/ не отвергостеся Пути,
Истины и Живота, Христа Бога нашего,/ не устрашїтесе богоборцев,/ но в
терпении шествовате царским путем в жизнь вечную.

Увы нам, отеческия заветы поправшим,/ от обета верности царскому
роду, Церковию Святою благословенному, отступльшим/ и тако от пути
Божия отлучившимся./ Прости нас, Господи, за вся сия содеянная/ и помилуй
молитвами святых страстотерпец.

Богородичен: Заступницу нашу Тя ве́мы, Богородице,/ непрестанно бо о
нас молишися,/ во еже покаяться и исправитися нам, упование и прибежище
душ наших.

Песнь 9

Ирмос: Не рыдай Мене, Мати,/ зрящи во Гробе,/ Егже во чре́ве без
семене зачала еси Сына:/ востану бо, и прославлюся,/ и вознесу со славою
непрестанно, яко Бог, // верою и любовью Тя величающия.

Да воскреснет Русь Свята́я молитвами царственных страстотерпец и
новомученик Твоих, Господи,/ и да расточатся вси вразї ея вскорѣ,/ и от
лица ея да бежат вси ненавидящии ю от ныне и до века.

Все упование на Господа возложи державный царь наш./ Такожде и мы
со упованием Господу помолимся,/ да укрепит Он молитвами Богородицы и
царственного страстотерпца страну нашу в Православии/ и спасет души
наша.

Яко достойное пение примите, святїи страстотерпцы, малое моление
сие/ и, якоже Христос прият вдовицы две лепте,/ не возгнушайтесе нас,
окаянных,/ страстьми обуреваемых, убогих чтителей и служителей ваших.

Богородичен: Державным Твоим покровом, Чистая,/ рабы Твоя сохрани
вся невредимы:/ Тя бо еди́ну има́мы прибежище в нуждах, утешение в
скорбех и победу во бранех наших.

Светилен:

Невечернему Свету предстояще,/ страстотерпцы святїи царственнии, с
мученическими лики,/ во испытаниих не оставляйте ны молитвами вашими.

Слава, и ныне, Богородичен:

Рожда́шая Свет Незаходимый,/ просвещающий сидящих во тьме
неведения и прелести,/ озари и нас, грешных, светом Сына Твоего́.

На хвалитех стихиры на 4, глас 8.

Подобен: О, пресла́внаго чудесе́:

О, пресла́внаго чудесе́!/ Святїи царственнии страстотерпцы
седмочисленнии/ в годину страданий за Христа/ сохрани́ша любовь и
верность Ему́,/ друг друга тяготы носяще/ и тако исполняюще закон Его́,/ сегó
ради ны́не на Небесї царствуют/ и дерзновенно мо́лятся// о спасении душ
наших.

О боговенчанный царю Николае,/ славный слуго Святыя Църкве,/ хранителю ея и защитителю,/ избранный Богом ея покровителю,/ великаго Иустиниана подобниче,/ вонми гласу моления нашего,/ прости, защити и укрепи/ заблуждших чад твоих,// да верою и любовью прославим Прославльшаго тя.

О, преславнаго чудесэ!/ Святая мученица Александра,/ в горцем заточении от богоборцев бывши/ и чаючи смерти за Христа,/ вкупе с четверицею дев мудрых, дочерей своих,/ се, Жених грядет, глагола./ Уготовим светильники своя,/ да внидем в чертог Его// и облечемся вси одеждою славы Его.

О благоверный царевичу Алексие,/ во смирении сердца ты глаголал еси:/ внегда мне царствовать,/ да не обрящутся нищии и убозии./ Крестным же путем жития твоего/ и мученическою твоею кончиною/ в Царство Небесное возшед,/ имея дерзновение велие,// молишися о всех, требующих твоея помощи.

Слава, глас тойже:

О святая седмерице царственных страстотерпец,/ Христова похвало и славо!/ Соизволением Отца Безначальнаго,/ совершением Сына Единороднаго/ и содействием Святаго Духа/ мученицы за веру покажетесь/ и Царствия Божия участницы соделаетесь./ Молите Троицаго Бога,/ да примет покаяние наше,/ сохранит страну нашу Российскую/ в Православии и единомыслии неколеблему// и спасет души наша.

И ныне, глас тойже. Подобен: О, преславнаго чудесэ:

О, преславнаго чудесэ!/ Небесэ и земли Царица,/ от святых сродников наших умоляемая,/ до ныне землю Русскую покрывает/ и лика Своего изображению милостивно обогащает./ О Владычице державная!/ Не престани и на будущее время/ во утверждение на Руси Православия// милости и чудеса изливати до века. Аминь.

На литургии

Блаженна от канона на 8, песни 3-я и 6-я.

Прокимен, глас 7: Господи, силою Твоею возвеселится царь// и о спасении Твоем возрадуется зело. Стих: Желание сердца его дал еси ему и хотения устну его неси лишил его.

Апостол к Римляном, зачало 99.

Аллилуия, глас 1. Стих: Яко царь уповает на Господа и милостию Вышняго не подвижится. Стих: Вознесися, Господи, силою Твоею, воспоем и поем силы Твоя.

Евангелие от Иоанна, зачало 52.

Прича́стен: Го́споди, спаси́ царя́ и услы́ши ны,/ во́ньже а́ще день призове́м Тя.

Моли́тва

О святы́й страстоте́рпче, царю́ му́чениче Нико́лае! Госпо́дь ты избра́ пома́занника Своего́, во е́же ми́лостивно и пра́во суди́ти лю́дем твои́м и храните́лем Це́ркве Правосла́вныя бы́ти. Сего́ ра́ди со стра́хом Бо́жиим ца́рское служе́ние и о душа́х попече́ние соверша́л еси́. Госпо́дь же, испыты́я тя, я́ко Йо́ва Многострада́льнаго, попусти́ ти поноше́ния, ско́рби го́рькия, изме́ну, преда́тельство, бли́жних отчужде́ние и в душе́вных му́ках земна́го ца́рства оставле́ние. Вся сия́ ра́ди бла́га Росси́и, я́ко ве́рный сын ея́, претерпе́в и, я́ко и́стинный раб Христо́в, му́ченическую кончи́ну прие́м, Небе́снаго Ца́рства дости́гл еси́, иде́же наслажда́ешься Вы́шняя сла́вы у Престо́ла всех Царя́, кúпно со свято́ю супру́жницею твое́ю, цари́цею Алекса́ндрою, и ца́рственными ча́ды Алексие́м, Ольгою, Тати́аною, Мари́ею и Анастаси́ею. Ны́не, имéя дерзнове́ние ве́лие у Христа́ Царя́, моли́, да пода́ст нам Госпо́дь грехо́в прощэ́ние, и на всякую добродéтель наста́вит нас, да стяжи́м смире́ние, крото́сть и любóвь, и сподóбимся Небе́снаго Ца́рствия, иде́же кúпно с тобо́ю и все́ми святы́ми новому́ченики и испове́дники Росси́йскими просла́вим Отца́ и Сы́на и Свята́го Ду́ха, ны́не и прýсно, и во ве́ки веко́в. Ами́нь.